

國醫小叢書之三十二

治

疔

錄

要

九一老人著



上海國醫書局印行

治疗錄要

九一老人手輯

疔瘡論

上海秦伯未校



夫疔瘡者。外科迅速之病也。有朝發夕死者。有隨發隨死者。有三五日而死者。有數日不死一月半月而死者。此由於中毒之深淺。施治之順逆。節候之寒溫。稟氣之強弱。一時發生。各隨其人之臟腑而中之。有名爲火焰疔者。多生脣口手掌指節間。初生一點紅黃小泡。癢痛麻木。甚則寒熱交作。煩躁舌強。言語昏憤。此屬心經毒火而成也。

有名紫燕疔者。多生手足腰脇筋骨之間。初生便作紫泡。次日破流血水。三日後串筋爛骨。癢痛異常。甚則目紅甲青。邪視神昏。睡語驚惕。此屬肝經毒火而成也。有名黃鼓疔者。初生黃泡。光亮明潤。四邊紅色纏繞。多生口角腮顴眼泡上下。及太陽正面之處。初發便作麻癢。綳急強硬。重則噁心嘔吐。肢體不痛。寒熱交作。煩渴乾噦。此屬脾經毒火而成也。有名白刃疔者。初生白泡。頂硬根突。破流脂水。癢痛兼作。多生鼻孔。兩手易腐易陷。重則腮損咽焦。毛聳肌熱。咳吐痰涎。鼻掀氣急。此屬肺經毒火而成也。有名黑靨疔者。多生耳竅牙縫胸腹腰腎偏僻之處。初生黑斑紫泡。毒串皮膚。漸攻肌肉。頑硬如丁痛。

徹骨髓。重則手足青紫。驚悸沉困。軟陷孔深。日晴透露。此屬腎經。毒火而成也。以上五疔。各應五臟。又有紅絲疔者。生於手臂及骨節等處。初起形似小瘡。漸發紅絲一條。上攻手膊。令人寒熱往來。甚則噁心嘔吐。治遲者。紅絲攻心。常致不救。又有羊毛疔。初起頭痛寒熱。狀類傷寒。但視前心後心。有紅點如疹形。用針挑破。內有羊毛。又有刀鐮疔者。疔形闊如韭菜。長寸餘。肉色紫黑者是也。又有暗疔。未發而脇下先堅腫無頭。次腫陰囊。睪丸突出如筋頭。令人寒熱拘急。熾熱癢痛。又有內疔。先發寒熱腹痛。數日間忽然腫起一塊。如積者是也。其餘疔瘡。名類甚夥。舊說不及備載。然大要辨法。已不外此。

疔瘡看法

凡疔瘡初起。形如芥粒。如粉刺或小泡。或疙瘡瘡腫。不作寒熱。不作噁心。飲食有味。手足溫暖者。順形已成瘡腫。結不散。四圍白色。多痛少癢。作膿者順。自潰出膿。瘡仍高腫。肉色鮮明。根內紅活。漸平者順。初起似疔非疔。軟漫灰色。四邊瘡根平塌。漫腫者凶。未發前先作寒熱如瘧。噁心不食。後出瘡如蚊跡。蛋斑。或青紫黑泡。軟陷無根。腐爛深孔。氣麤足冷者逆。瘡形似魚臍。頂色灰白。軟漫相兼。脉細身冷者逆。肉腫瘡不腫。根脚走散。瘡內腐空。血水氣穢者死。已經走散。頭面耳項俱腫。煩躁。脉細痰動喘急者死。

疔瘡治法

凡疔瘡初起。審明形證。重惡者。急宜服飛龍奪命丹。蓋被取汗。毒勢不盡。憎寒壯熱。仍作者。宜服五味消毒飲。及菊花飲。汗之。心中悶亂者。急服護心散。以免毒氣內攻。如毒重而發熱。口渴。便閉。脉實者。宜大劑消毒飲。或菊花飲。加生大黃錢半。芒硝二三錢。蔥頭五個。以瀉內毒。如係輕證。初起。不必用飛龍奪命丹。以消毒飲。菊花飲治之。足矣。倘或初起失治。或不諳禁忌。以致毒氣內攻。將欲走黃者。宜急服疔毒復生湯。如已走黃。令人心煩昏亂者。急宜服七星劍湯以救之。遲則不治。潰後餘毒未盡。五心煩亂者。宜人參清神湯。氣虛驚悸者。

宜內托安神散。若發汗之後，汗不止，熱不退，瘡不癢，現種種虛象者，宜八珍湯加黃耆、麥冬治之。然疔瘡一證，多由火毒蘊結而成。潰後不宜早補，卽有真虛，只可平補，不宜溫補。一或誤用，爲禍甚烈。不可不知此內治之大略也。至外治之法，疔瘡初起，宜於瘡頂用針刺開，刺不知痛，須針入稍深，以知痛爲止。隨用追毒丹一粒，塞入瘡口，令追出毒血膿水。外以白芨磨濃，調於紙上，蓋之以代膏藥，免致受風。如瘡之四旁腫硬，推之不動者，亦宜用針亂刺頑硬之處，令出惡血爲要。否則必至走黃，不可不慎。刺後亦以白芨膏蓋貼爲妙。凡疔堅硬有根，用追毒丹不能追出，疔根者，必用挑法。先刺出紫黑血，再挑

至鮮血出。以知痛爲止。隨填拔疔散於瘡孔。令滿以萬應膏蓋之。無如

萬應膏、即用白芨膏亦可。過三四時。撥去舊藥。易以新藥。若藥乾無水不痛者。

此未挑斷其瘡根也。再深挑之。必以上藥知痛。藥入水流爲率。三四

日後。瘡頂乾燥。疔根托出。換用九一丹。搜其餘毒。俟毒將盡。然後以

生肌紅玉散摻之。外貼白膏藥收口。萬應膏、白膏藥、藥肆中均有。此外治之法

也。如遇患此者。審明形證。合內外以消息之。治疔之法。已略備矣。再

諸疔中。惟紅絲疔。羊毛疔。刀鑱疔。暗疔。內疔。治法稍異。紅絲疔於初

起時。用頭髮或油線。離紅絲一二寸。緊緊紮定。將磁鋒在絲頭上刺

出毒血。再尋至初起瘡上挑破。用追毒丹。搽入追出毒血。內服五味

消毒飲。或菊花飲。卽愈。羊毛疔。宜審明紫黑斑點處。用針挑出。如羊毛狀。前後心共挑數處。用黑豆蕎麥研粉塗之。卽時汗出而愈。一法用明雄黃末二錢。青布包紮。蘸熱燒酒。於前心擦之。自外圈入內。其毛卽奔至後心。再於後心擦之。其羊毛俱拔出於布上。埋之土中。內仍服消毒飲。菊花飲治之。刀鏹疔。忌用針刺。以生礬三錢。葱白七個。共搗爛作七塊。以葱湯逐塊送下。蓋煖取汗。無汗再以葱湯催之。以汗出爲度。想用飛龍奪命丹。或五味消毒飲。取汗亦可。外用糖雞糞敷之。卽愈。遲則不治。再暗內二疔。不用挑法。先以飛龍奪命丹一丸。含化令盡。以冷水漱去。毒涎再用三丸。嚼葱白三寸裹藥。以黃酒送下。蓋臥取汗。片時

無汗。再飲熱酒催之。仍無汗。係熱毒滯結。急用霹靂火法。令汗出。熱毒隨之而解矣。

飛龍奪命丹 以下內服方

治疔瘡發背。腦疽乳癰。附骨一切無頭腫毒。惡瘡。服之便有頭。不痛者。服之便知痛。已成者。服之立愈。此外證中之至寶。活人萬萬。誠仙方也。

蟾酥 二錢乾者用酒化

眞血竭 一錢

乳香 二錢

沒藥 二錢

雄黃

三錢 輕粉 五分

膽礬 一錢

麝香 五分

銅綠 二錢

寒水

石 一錢

硃砂 二錢爲衣

蝸牛 二十一個連殼用

眞梅花冰片 五分

右爲細末。將蝸牛研作泥。和前藥爲丸。如菉豆大。若丸不就。或用酒煮。麴糊爲丸。每服止二丸。先用葱白三寸。令病人嚼爛。吐於手心。男左女右。將丸裹於葱白內。用無灰熱酒三四盞送下。於避風處。以衣被覆。約人行五里之久。再用熱酒數盃。以助藥力。發出大汗爲度。如病重不出汗。再服二丸。汗出卽效。若初服二丸。但消三五分。病重者。再進二丸。如病人不能嚼葱。搗碎。裹藥用酒吞之。瘡在上。食後服。在下。食前服。服後忌冷水。黃瓜。茄子。油麵。猪羊魚肉。一切發風發瘡毒之物。及婦人狐臭等一切穢氣。

五味消毒飲

金銀花三錢

野菊花

蒲公英

紫花地丁各一錢二分

紫背天

葵子一錢二分

用水二鍾煎八分。加無灰酒半鍾。或一鍾再滾二三沸熱服。蓋被出汗爲度。

菊花飲

鮮白菊花葉。搗取自然汁一茶盃。滾酒送服。毒重者宜多服。

渣敷患處。留頭不敷。蓋被取汗。其毒自散。誠有起死回生之力。不可輕視。如無葉用根。如皆無可用藥店中乾白菊花。四兩少則不效。

生甘草四錢酒煮溫服亦可。但總不如生汁之爲妙耳。

護心散

生甘草五錢 菴豆粉一兩

爲末。酸漿水下。或分兩次下亦可。

疔毒復生湯

金銀花 梔子生研 地骨皮 牛蒡子炒研 連翹 木通

煨牡蠣 生軍 皂角刺 天花粉 沒藥 乳香各八分

酒水各一鍾。煎至一鍾。食遠服。不能飲酒者。只用水煎。臨服入酒一盃和服。脈實便秘者。加朴硝。

七星劍湯

蒼耳頭 野菊花 豨薟草 地丁香

半枝連各三錢 蚤休二錢 麻黃一錢

用好酒一觔煎至一碗澄去渣熱服蓋被出汗爲度。

人參安神湯

人參一錢 陳皮一錢 白茯苓一錢 地骨皮一錢

麥門冬一錢去心 當歸一錢 白朮一錢土炒 黃耆一錢

遠志一錢去心 柴胡五分 黃連五分 甘草五分炙

內托安神散

人參 麥門冬去心 茯神 黃耆 白朮土炒 元參

陳皮錢各一 石菖蒲 甘草炙 酸棗仁炒研 遠志去心

五味子各五分

八珍湯

人參 茯苓錢各一 白朮錢五分 甘草炙五分 川芎 當歸

白芍炒 大生地錢各一

追毒丹

巴豆七粒去油研如泥 白丁香錢一 雄黃 黃丹錢各二

輕粉錢一 蟾酥錢一

右共研和加白麵少許。滴水爲丸。如麥子大。針破瘡頭。以此藥納之。覆以乳香。或用膏藥蓋貼。其膏藥切不可以生肌長肉之害。以追出膿血毒物爲度。瘡小者用一粒。大者倍用之。

拔疔散

硃砂 白礬 硃砂 食鹽用鐵鑊放刀燒紅將白

各等分。擇丁日午時。研爲細末。收之。

九一丹

煨石膏九錢 生白礬六分 枯白礬三分 明雄黃一分

共研極細末。取少許撒於患處。

生肌紅玉散

寒水石

二兩
冷細研
煨候

黃丹半兩

右二味同研細乾。摻在瘡上。以白膏藥蓋之。

霹靂火

用鵝卵石燒紅。置鐵杓內。杓安桶內。以醋淬石。令患者將患處覆桶上。厚衣密蓋。勿令洩氣。俟熱氣微。再添紅石。加醋淬之。使瘡頭及腫處熱氣薰蒸。至汗出爲度。其毒減半。

又方。一人唇口生疔七個。頭腫如斗。心悶神昏。百藥不效。後有人云。此名七星趕月。用蛔蟲數條。或一條。搗爛敷之。頃刻瘡口流出黃